

国立国会図書館

タイトル『時方妙用4巻』 請求記号 特1-2855

ガラス使用

方妙用卷四

閩吳航陳念祖修園甫著

鶴膝風

男元豹道彪古愚全校字

脛細而膝腫是也為風寒濕三氣合痺于膝而成。初起發熱頭痛宜五積散。痢後變成者亦宜之。若久病為足三陰虛宜十全大補湯。加附子牛膝杜仲防風羌活主之。又治初起

時方妙用

卷四

鶴膝風

自井氏藏書

新編  
鶴膝風



特1  
2855

外法。用陳年白芥子研末。以薑汁葱汁調塗。  
一伏時患處起泡泡乾脫皮自愈。  
五積散四十全大補湯  
又按鶴膝風多是虛寒。脚氣多是濕熱。一攻  
一補。治法各判。然脚氣有腎虛氣喘小腹痺  
者。腎氣丸必不可緩。鶴膝風有赤熱。焮腫者  
也。二妙散。桂枝芍藥知母湯亦所必需。此活法

脚氣

脚之腫大是也。東垣云。南方卑濕。其濕從外。  
以襲入。北方常食羶乳。又飲酒太過。脾胃有  
傷。不能運化。其濕從中。以流下。初起發熱惡  
寒。似傷寒症。若上氣喘急。及上少腹不仁。恐  
致攻心不救。若患久不治。即成痼疾。此症名  
蹇疾。不可驟補。

一脚氣腫痛不可忍宜



時方妙用 卷四 積聚

鷄鳴散

一百零八

一脚氣氣喘少腹不仁。須防其入心。宜後方

脚氣服鷄鳴散愈後亦宜之用。

桂附地黄丸

五十

一兩脛大為濕脚氣。兩脛不腫。或頑麻。或癢

急。或緩縱。名乾脚氣。宜

四物湯。加牛膝。獨活。蒼朮。黃柏。木瓜。澤瀉

肉桂之類。九

### 積聚


積者五臟所生。推之不移。屬陰。聚者六腑所  
成。推之則移。屬陽。當辨其新久。虛實。而施治。  
內經云。大積大聚。不可犯也。衰其大半而止。  
過則死。此治積聚之法也。

脈宜沉實。忌虛弱

一積聚新病。審其可用疎散者。宜用

五積散

四十



一積聚新病審其可用消導攻下者宜用

備急丸三五

平胃散加地菴蓄瞿麥穗大麥芽川芎以  
上八味各用五錢沉香木香各一錢五分  
大黃酒浸二兩共為細末每服三錢薑湯  
送下忌油膩動氣之物及房事一月藥須  
黃昏服勿食晚飯大小便見惡物為度十八  
肝之積在左脇下名曰肥氣去蒼朮加柴

胡蘆甲青皮莪朮○肺之積在右脇下名  
曰息賁加白豆蔻桑白皮鬱金○心之積  
起臍上上至心下大如臂名曰伏梁去蒼  
朮加肉桂黃連石菖蒲莪朮○脾之積在  
胃脘腹大如盤名曰痞氣原方不加減○  
腎之積在臍下發于小腹上衝心而痛名  
曰奔豚上方去蒼朮大黃陳皮麥芽扁蓄  
加茯苓四兩肉桂附子當歸吳茱萸各五

時方妙用 卷四 積聚 四



錢。川練子李根白皮合一兩。淡鹽湯送下。  
或煉蜜為小丸。吞下四錢更佳。凡熱積  
加黃連黃芩。寒積加薑桂附子。酒積加葛  
根。痰積加半夏。水積加桑白皮赤小豆。血  
積加桃仁紅花。肉積加阿魏。山查果積加  
麝香草果。

一久病及虛弱之人。不可逕用前藥。或先服  
補藥。然後攻之。或攻藥去病之半。而即補

之。或服攻藥三日。服補藥一日。神而明之。  
存乎其人。若愈後必以補藥收功。宜

六君子湯。二

香砂六君子湯。三


附子理中湯。

一百零七

已上三方。唯臍下動

氣去白朮。加肉桂一錢五分。

一服攻藥。大下積血。自汗不止。氣弱不能轉  
動者。宜急進。



參附湯。若貧者以當歸補血湯加附子三錢代之。一百

栗五

### 嘔吐噦呃

聲與物俱出為嘔。有物無聲為吐。有聲無物為噦。氣自臍下衝逆有聲。聲短而頻。古人名噦。又名欬逆。為呃。方書命名各異。今從俗本分名。使人易曉。

脈陽緊陰數為吐。陽浮而數亦吐。寸緊尺瀉胸滿而吐。寸口脈數者吐。緊而瀉者難治。緊而滑者吐逆。脈弱而嘔小。

便復利身有微熱見厥者難治 吐出色  
如青菜者危

上四症皆屬氣逆有統治之法宜

二陳湯隨症加減二八十

如為寒氣所客脈遲畏寒加砂仁藿香乾薑  
薑○如乾嘔吐涎沫加人參一錢吳茱萸  
二錢大棗三枚倍生薑○如食不得入為  
火阻於上加黃連黃芩人參○如為飲食

所傷吞酸噯腐加蒼朮藿香砂仁麥芽山  
查○如有聲無物加生竹茹二錢人參一  
錢旋覆花三錢代赭石一錢五分大棗二  
粒如吐酸水加吳茱萸一錢黃連五分○  
如脾胃虛弱運化遲而嘔吐者加人參白  
朮砂仁木香○如食已即吐是胃中有熱  
食入則兩熱相衝不得停留而吐若大便  
秘結可加大黃三錢○若寒熱往來脇痛



而嘔者為少陽症。加人參黃芩各一錢。柴胡三錢。大棗二粒。如驟然發呃者。為胃火上衝。加麥芽石斛麥冬。枇杷葉竹茹扁豆各二錢。久病發呃。有脾虛腎虛之分。脾虛者加參朮丁香柿蒂。腎虛者加參附乾薑沉香巴戟天。此症多死。如吐蟲者。去甘草。加川椒人參吳茱萸黃連川練子烏梅三粒。粳米一百粒。

五淋 癃閉

淋病。小便滴瀝澁痛。欲去不去。欲止不止。是也。古人分為五種。石淋。下如沙石。膏淋。下如膏脂。勞淋。從勞役而得。氣淋。氣滯不通。癃。下悶痛。血淋。瘀血停蓄。莖中割痛。皆為執結。膀胱所致。而治者却不重在膀胱。而重在三焦。經云。膀胱者。州都之官。津液藏焉。氣化則能出矣。又云。三焦者。決瀆之官。水道出焉。此數

語數百年來註家俱誤。不知津液為汗之源。膀胱氣化則能出汗。故仲景發汗法必取之。太陽也。水道為行水之道。三焦得職則小水通調。須知外出為膀胱之津液。下出為三焦之水。道也。又有清心之法。以心與小腸相表裏也。又有清肝之法。以肝主疎泄也。又有補腎之法。以腎為司水之臟也。治三焦與膀胱之正法。則用五淋散。清心滋腎。則用導赤散。

清肝。則用龍膽瀉肝湯之類。至於癰閉症。小便點滴不通。甚則脹悶欲死。其病源亦同前症。而治法更進一步。有用八味丸。倍桂附。蒸動腎氣。以開關者。有用滋腎丸。滋陰以化陽者。有用補中益氣湯。服後以手探吐者。如滴水之能下也。去其上。閉則下。竅通矣。有用五淋散。加入麻黃杏仁。以取微汗。麻黃力猛。能通陽肺氣。主皮毛。配杏仁以降氣。下達州都導水。必自高原之義也。有用人參麻時方妙用

卷四 五淋癰閉 九



黃各一兩。水煎服者。夏月不敢用麻黃。有用  
紫蘓。防風。杏仁各三錢。水煎服。溫覆取微汗  
者。有用白菊花根搗爛。以生白酒衝和取汁  
溫飲者。有用水母四兩。勒薺十四粒。水煎服  
者。有用皂角葱頭。王不留行各數兩。煎湯一  
盆。今病者坐浸其中。薰洗小腹下體。久之熱  
氣內達。壅滯自開。而便通者。務宜審其脈症  
而施治。不可執一。

脈宜浮大 忌細小

五淋散

五淋通治  
五淋癢閉

加減法

氣淋加荊芥香附生麥芽。血


淋加牛膝桃仁紅花生地。入麝香少許。

石淋送下六一散三錢。膏淋合草薺分

清飲。勞淋合補中益氣湯。如過服金

石藥。與老人陽已痿。思色以降其精。致精

內敗而為淋。加草薺石菖蒲兔絲子以導



之。

六一散 五十二石淋

草薺分清飲 八十三膏淋

導赤散 四十九赤淋

龍膽瀉肝湯 九十七莖中痛

甚宜 補中益氣湯 五氣淋

六味丸 十四水

八味丸 十五冷淋

扶陽以化陰 一百三

滋腎丸 九十四陰以化陽

四生丸 一百血淋

湯九十三 氣淋

續論

三焦包羅臟腑主氣而即主水水由氣故  
 曰決瀆之官水道出焉上焦如霧氣中有  
 水也下焦如瀆水中有氣也中焦如漚氣  
 水相函於其中也凡水道不通溢於外而  
 為腫積於中而為脹凌於肺為咳嘔流于  
 腸為泄瀉宜專責之三焦與他臟無涉時  
 醫治他臟而倖效不可援以為例

時方妙用 卷四 五淋 續明 十一





症必須清心寡慾。靜養年餘方效。藥石原不足賴。

時賢沈錄萃云。心藏神。肝藏魂。腎藏精。夢中所主之心。即心之神也。夢中所見之形。即肝之魂也。夢中所洩之精。即腎之精也。要之心為君。肝腎為相。未有君火動而相火不隨之者。當先治其心。而後及其餘。宜黃連清心飲。方用黃連。生地。甘草。當歸。人參。茯神。棗仁。遠

志蓮子。按錄萃著有沈氏尊生一書。大抵皆見病治病。不脫江蘊氣習。此一條用藥。雖庸而立論頗超。故節錄之。

訣云遺精白濁。當驗于尺。結朶動緊。

二症之的。

正傳云兩尺洪數必便濁遺精。

時方妙用 卷四 遺精 十三



之精云貴靜  
而此篇則法姑甫給之  
最廣治法不期其蘇麻  
法藏子對給苦著育成丸真主一

赤白濁

濁者小水不清也。方書皆責之腎。今則求之於脾。脾土之濕熱下注。則為濁病。濕勝於熱。則白。熱勝于濕。則赤。治之之法。不外導其濕。熱濕熱去。則濁者清矣。

醫鑑曰。淋濁之病。細數何妨。少陰微者。氣閉膀胱。女人見之。陰中生瘡。大實易愈。細澁則亡。



一濁病初起宜導其濕熱宜

二陳湯加蒼朮白朮黃柏草薺主之如赤

濁加丹參八上

一濁病稍久當固其精道利其水道宜

草薺分清散八十

一內經云中氣虛而溺為之變與濁症不同

宜


四君子湯一補中益氣湯五

一命門火衰氣不攝精每致敗精為濁宜桂

附八味丸加兔絲子車前子以導敗精

一濁出精竅與淋出溺竅者不同病之稍久

宜固腎不宜利水此要旨也





自汗盜汗

傷寒門以自汗為傷風。盜汗為少陽症其餘  
雜病自汗為陽虛盜汗為陰虛然陰陽互為  
其根自汗亦有陰虛者盜汗亦陽虛者宜辨  
而治之。

一陽虛自汗其人常畏寒宜

參附湯

一百零五

朮附湯

一百零五

芪附湯

一百零五

一陰虛盜汗其人常發熱宜

當歸六黃湯六

一陰陽兩虛自汗盜汗怔忡不眠煩躁等症

宜

歸脾湯加麥冬五味二十

人參養榮湯二十

一自汗發熱為前此傷風醫不得法所致宜

玉屏風散七十

怔忡驚悸不眠建  
忘症治同

高鼓峰曰怔忡血少也其原于腎水不足不能上升以致心火不能下降大劑歸脾湯去木香加麥冬五味枸杞吞都氣丸如怔忡而實挾包絡一種有餘之火兼痰者則加生地黃連川貝之類以清之

按一症之治只此數語緣讀書臨症之多故能片言居要而胡念齋又補出胃絡不




能上通症。脾脈不能入心症。宗氣虛而虛  
里穴動症。水氣凌心症。奔豚上乘症。治法  
不甚相遠。唯水氣與奔豚當另法治之。愚  
謂水氣凌心。輕則用小半夏湯倍加茯苓  
以泄之。重則用茯苓桂枝甘草大棗湯以  
安之。再重則用真武湯以鎮之。奔豚則  
用桂枝湯加桂以泄之。或黑錫丹以鎮之。  
或用茯苓桂枝甘草大棗湯以緩之。金匱

奔豚湯亦有意義。烏梅丸亦可借用。  
六味地黃丸加五味子名都氣丸。四

婦人科

婦人之病與男子同唯經帶胎前產後另有方法。

一妊婦患傷寒雜病俱以四物湯為主無汗加麻黃細辛有汗加桂甘草寒熱往來加柴胡黃芩鼻乾不眠加升麻葛根大黃芒硝乾薑附子俱可隨症加入古人六合四物湯論之詳矣。



一婦人有胎。恐服藥有碍。灶中黃土。研末。以水和塗於心下。及臍下。乾則易之。  
一受胎二三月。必嘔惡心。以月水不通。陽明之氣。壅盛上僭。至四五月。自愈。如病甚。用六君子湯。加砂仁。以和之。方中半夏。得參朮。能安胎。健胃。不必顧忌。  
一胎前下血。名曰胎漏。氣虛不攝血也。多服補中益氣湯。如因腦必傷肝者。宜加味道。

選散。加生也。

一胎動不安。血不養胎也。宜四物湯。去川芎。加白朮。杜仲。若有火者。再加黃芩。如腹時痛多寒者。加川椒。此一味。今人罕用。金匱用以養胎。

一墮胎症。屢患者。必應期而墮。總屬氣血大虛。余昔惑于丹溪之說。以黃芩白朮為安胎聖藥。內子患此。四年中。連服五次。皆墮。後

有老醫用四物湯加真鹿膠補骨脂兔絲子杜仲川續斷而安余始悟命門為人立命之本女以繫胞必用溫藥熱藥始效趙氏醫貫用六味八味加艾葉阿膠大有灼見如不受溫熱峻劑者以杜仲八兩糯米湯泡炒勿焦取粉真桑上寄生人參五味子各四兩為末以黃芪一斤白朮大棗各六兩煮膏為丸米湯送下四錢一日兩服

神效

一子腫宜五皮散加白朮子嗽宜二陳湯加阿膠麥冬桑白皮五味子乾薑經辛子懸宜四物湯去川芎加黃芩白朮甘草子瀉宜補中益氣湯四君子湯加黃芩砂仁一臨產交骨不開宜四物去芍地加髮炭三錢龜板五錢水煎服如血水大下而不產者是血乾而胎滯氣虛推送無力宜當歸

補血湯。加入參肉桂各一錢。甚者去桂加附子三錢。此法時醫不講。

一產後血暈。用醋炭薰鼻。老酒和童便飲之。不可放倒。如氣血脫而暈者。必唇口手足厥冷。以當歸補血湯加參附乾薑。以回其陽。甚者必用通脈四逆湯。如認作血暈治之。則死矣。

一胎衣不下。用歸身五錢。川芎三錢。水煎服。

或血入衣中。脹而不下。宜清酒送下。失笑散。

一產後發熱。有外感者。照常法治之。如無外感。用當歸補血湯。

一血塊痛。宜四物倍當歸。去地黃。加牛膝桃仁肉桂青皮。醋炒大黃下之。

一產後泄瀉。不可利水。只用補中益氣湯加減。

一產後大便不通宜八珍湯加桃仁杏仁。  
一子宮下墜乃勞力所傷也宜補中益氣湯  
加附子玉門不閉治同。  
一產後瘀血不行腹痛者宜當歸四錢川芎  
二錢炮薑炙草各一錢桃仁七枚名生化  
湯酒水各半煎。  
一產後感風成瘧口禁角弓反張無汗者名  
剛瘧宜荆芥穗一兩以童便煎灌之或桂

枝湯加葛根三錢有汗為柔瘧宜桂枝加  
括樓根三錢二瘧屬虛者以十全大補湯  
加柴胡鈎藤括樓竹瀝薑汁如汗多加附子  
一產後喘促口鼻起黑氣為瘀血入肺不治  
或用人參一兩蕪木三錢水煎頓服若厥  
冷自汗必用通脈四逆湯進二三劑厥回  
脈復可治。

婦人雜病



一經水不調屬虛者乃衝任之血不足宜服  
歸脾湯二十劑再以海螵蛸四兩茜草一  
兩以雀卵為小丸空心以鮑魚汁送下一  
錢五分或無雀卵以鷄肝代之當歸湯下  
亦可  
一經水不調屬實者自有實症實脈可驗宜  
四物湯加醋炒大黃香附桃仁丹皮青皮  
紅花之類


一經水不調因鬱而致者宜加味道遙散  
一婦人肥而不妊乃子宮脂滿宜四物湯去  
地黃加香附半夏貝母以益母膏為丸如  
瘦而不妊者乃氣血兩虛宜八珍湯加兔  
絲子川椒鹿茸杜仲為丸  
一婦人帶病皆由中土虧損帶脈不能收引  
以致十二經脈因而內陷也宜六君子湯  
加炮薑以補脾甚者以補中益氣湯以提

之。或以椿根皮黃栢牡蠣粉醋糊為丸。服以澁之。

傷寒 傷寒以六經為主。太陽陽明少陽為三陽。太陰少陰厥陰為三陰。仲景所以為萬世師也。昔人謂三百九十七法。而不知其字。皆謂也。謂一百一十三方。而不知一方。可該數方。不。必。如。許。之。多。方。外。有。方。不。可。該。數。方。之。少。也。余。治。雜。病。亦。隨。俗。採。取。時。方。唯。於。傷。寒。一。門。非。此。方。不。能。以。治。此。病。非。此。藥。不。可。以。名。此。方。不。敢。少。有。遷。就。茲。挈。其。要。領。先。為。入。門。之。導。再。授。以。仲。景。書。便。如。有。下。手。工。夫。矣。

太陽 太陽為一身之表

何謂太陽經症曰頭痛項強發熱惡寒是也



有虛邪實邪之辨。

一脈緩自汗惡風為虛邪宜桂枝湯。如八九日過經不解如瘧狀面熱身痒以莫不得小汗故也。宜桂枝麻黃各半湯。因前此未汗不得不發其汗。因日數頗久故小發其汗。如服桂枝湯大汗後形如瘧日再發者以餘邪未盡故也。宜桂枝二麻黃一湯。大汗之後不得再行大汗之法。而餘邪

不盡不可不從汗而竭之。但藥品宜輕耳。脈浮緊無汗惡寒為實邪宜麻黃湯。如無汗煩躁者加石膏薑棗名大青龍湯。如乾嘔而咳去杏仁加五味子乾薑半夏細辛芍藥名為小青龍湯。此二湯即麻黃湯之加減。昔人以麻黃湯大青龍湯桂枝湯分三大綱何其謬歟。按此二法治表中之表也。時法冬月以

加味香薷飲代上二方。三時感冒以九味  
羌活湯代上二方。與仲景法不甚合。然好  
尚如斯。亦無可奈何耳。

何謂太陽腑症。曰表邪不去。必入於裏。膀胱  
為表中之裏也。有蓄水蓄血之辨。

一太陽症。其人口渴。煩躁。不得眠。脈浮。小便  
不利。水入即吐。為膀胱蓄水症。宜五苓散。  
一太陽症。其人如狂。小腹硬滿。小便自利。脈

沉。為膀胱蓄血症。古用抵當湯。九今宜桃

仁承氣湯。

按此二法。治表中之裏也。

何謂太陽變症。曰汗下失宜。從陰從陽之不一也。

一不應下而下之。續得下利。清穀身疼痛。宜  
四逆湯。以救清穀之裏。又以桂枝湯。以救  
身疼痛之表。

一病發熱頭痛脈反沉若不差身體疼痛當救其裏宜四逆湯

一大汗大下利而厥冷者四逆湯主之

一太陽病發汗太過遂漏不止其人惡風小便難四肢微急難以屈伸桂枝加附子湯主之

一太陽病發汗太過動其營血而衛邪反內伏其人仍發熱心下悸頭眩身瞤動振振

欲擗地者少陰症誤用大真武湯主之

已上言汗下太過傷正而虛其陽陽虛則從少陰陰化之症多以太陽少陰為表裏

也。一陽盛於內誤服桂枝湯大汗出後大煩大

渴不解脈洪大者白虎加人參湯主之

一傷寒若吐若下後七八日不解熱結在裏

表裏俱熱時時惡風大渴舌上乾燥而煩



欲飲水數升者白虎加人參湯主之。

一傷寒不大便六七日。為裏頭痛有熱為表症。

外不解由於內不通也。下之裏和而表自

解矣。與承氣湯。

一病人煩熱汗出則解。又加瘥狀。日晡所發

熱屬陽明也。脈實者宜下之。與大承氣湯。

脈虛者宜發汗。與桂枝湯。

一發汗後惡寒者虛故也。不惡寒但熱者實

也。當和胃氣。與調胃承氣湯。

太陽病未解。脈陰陽俱停。停者沉滯不起也。陰陽者尺寸

也。先振慄汗出乃解。但陽脈微者先汗而

解。但陰脈微者下之而解。若欲下之宜調

胃承氣湯。脈微不可汗下。此微字即上文停字也。

已上言汗下失宜熱熾而傷其陰。陰傷則

從陽明陽化之症。多以太陽陽明遞相傳

也。



何謂發汗利水為治太陽兩大門。曰邪傷太陽病在寒水之經也。驅其水氣以外出則為汗。逐其水氣以下出後為黃澁蓄水前為小便長。

太陽為寒水之經。邪之初傷。必須發汗。麻黃湯發皮膚之汗。桂枝湯發經絡之汗。葛根湯發肌肉之汗。小青龍湯發心下之汗。大青龍湯發其內擾胃中之陽氣而為汗。

此發汗之五法也。若汗之而不能盡者。則為水。水在心下。乾嘔而咳。宜小青龍湯發熱而煩渴欲飲水。水入即吐。名曰水逆。宜五苓散。汗後心下痞硬。乾噎食臭。脇下有水氣。腹中雷鳴。下利者。病勢雖在腹中。而病根猶在心下。宜生薑瀉心湯。此水氣在上焦。在上者。汗而散之也。若妄下之後。自心上至小腹。硬滿而痛。不可近。

水與氣脈所結

遲名大結胸宜大陷胸湯若項亦強如柔  
痊之狀宜大陷胸丸程郊倩謂病勢連甚  
於下者主以湯病勢連甚於上者主以丸  
是也若其結止在心下按之始痛脈浮滑  
名小結胸邪氣尚在脈絡宜小陷胸湯若  
無熱症名寒實結胸宜三物白散若心下  
痞鞭滿引脇下痛乾嘔短氣汗出不惡寒  
三焦升降之氣阻格難通宜十棗湯此水

氣性中焦中滿瀉之於內也若頭痛項強翕  
翕發熱無汗心下滿微痛小便不利者因  
膀胱之水不行營衛不謂不能作汗宜以  
桂枝去桂加茯苓白朮湯治之是水氣在  
下焦在下者引而竭之是也

陽明主裏外候肌  
肉內候胃中

何謂陽明經症曰身熱目痛鼻乾不得眠反  
惡熱是也有未罷太陽已罷太陽之辨






若兼見頭痛惡寒是太陽症未罷白汗脈  
緩宜桂枝湯項背几几者桂枝加葛根湯  
主之無汗脈浮宜麻黃湯項背几几者葛  
根湯主之

若無頭痛惡寒但見壯熱口渴是已罷太  
陽為陽明經之本症宜白虎湯主之

何謂陽明腑症曰潮熱譫語手足腋下濺然  
汗出腹滿大便硬是也有太陽陽明少陽陽

明正陽明之辨

本太陽症治之失法亡其津液致太陽之  
熱乘胃燥而轉屬陽明其症小便數大便  
硬傷寒論謂之脾約宜麻仁湯已上太陽陽明  
本少陽病治之失法亡其津液致少陽之  
邪乘胃燥而轉屬陽明為大便結燥傷寒  
論謂為大便難以蜜煎膽汁導之已上少陽陽明  
病人陽氣素盛或有宿食外邪傳入遂歸



於胃腑傷寒論謂為胃家實宜以三承氣


湯下之已上正陽明

愚按陽明在經未離太陽宜汗之既離太陽宜清之在腑審其輕重下之苦在經腑之界汗之不可清之不可下之不可宜用吐法柯韻伯云除胃實症其餘如虛熱咽乾口乾口苦舌胎腹滿煩躁不得臥消渴而小便不利凡在胃之外者悉是陽明表

症仲景製汗劑是開太陽表邪之出路製吐劑是引陽明表邪之出路當以梔子豉湯吐之使心腹之濁邪上出於口一吐則心腹得舒表裏之煩熱悉除矣煩熱既除則胃外清自不致胃中之實所以為陽明解表之聖劑

少陽主半表半裏

何謂少陽經症曰口苦咽乾目眩是也有虛



火實火二症之辨。

寒熱往來於外。胸脇苦滿。默默不欲食。心

煩喜嘔。為虛火症。宜小柴胡湯。

寒熱往來於外。心中痞硬。鬱鬱微煩。嘔不

止。為實火症。宜大柴胡湯。

何謂少陽腑症。曰少陽主寒熱。屬於半表則

為經。屬於半裏則為腑。其症雖無寒熱往來

於外。而有寒熱相搏於中。有痞痛利嘔四症

辨。

因嘔而痞不痛者。半夏瀉心湯。

胸中有熱而欲嘔。胃中有邪氣而腹中痛。

宜黃連湯。

邪已入裏。則膽火下攻於脾而自利。宜黃芩

湯。膽火上逆於胃而為嘔。宜黃芩加半夏

生薑湯。

已上四方。寒熱攻補並用。仍不離少陽和




解法

傳經發明

按宋元以後醫書皆謂邪從三陽傳入俱是熱症。唯有下之一法。論中四逆白通理中等方。俱為直中立法。何以謂之直中。謂不從三陽傳入。徑入三陰之臟。唯有溫之一法。凡傳經俱為熱症。寒邪有直中而無傳經數百年來相沿之說也。余向亦深信其然。及臨症之

久。則以為不然。直中二字。傷寒論雖無明文。而直中之病。則有之。有初病即見三陰寒症者。即宜大溫之。有初病即見三陰熱症者。即宜大涼之。大下之。是寒熱俱有直中。世謂直中皆為寒症者。非也。有謂遞次傳入三陰。盡無寒症者。亦非也。蓋寒熱二氣盛。則從化。余揆其故。則有二。一從病體。而分一從誤藥。而變。何則。人之形有厚薄。氣有盛衰。臟有寒熱。



所受之邪。每從其人之臟氣。而為熱化寒化。今試譬之於酒。酒取諸水泉。寒物也。酒釀以麴。又熱物也。陽臟之人。過飲之。不覺其寒。第覺其熱。熱性迅發。則吐血面瘡。諸熱症作矣。陰臟之人。過飲之。不覺其熱。但覺其寒。寒性凝滯。則停飲腹脹泄瀉。諸寒症作矣。知此愈。知寒熱之化。由病人之體而分也。何謂誤藥而變。凡汗下失宜。過之則傷正。而虛其陽。

不。久。則。熱。熾。而。傷。其。陰。虛。其。陽。則。從。少。陰。陰。化。之。症。多。以。太。陽。少。陰。相。表。裏。也。傷。其。陰。則。從。陽。明。陽。化。之。症。多。以。太。陽。陽。明。逆。相。傳。也。所謂寒化熱化。由誤治而變者。此也。至云寒邪不相傳。更為不經之說。仲景云。下利腹脹滿。身體疼痛者。先溫其裏。乃攻其表。溫裏宜四逆湯。攻表宜桂枝湯。此三陽陽邪傳入三陰。邪從陰化之寒症也。如少陰症下利白通。

湯主之。此太陰寒邪傳入少陰之寒症也。如下利清穀裏寒外熱汗出而厥者通脈四逆湯主之。此少陰寒邪傳入厥陰之寒症也。淮謂陰不相傳無陽從陰化之理乎。


太陰為濕土。純陰之臟也。病入太陰。從陰化者多。從陽化者少。

何謂太陰之邪從陰化傷寒論云。腹滿吐食自利不渴手足自溫時腹自痛是也。宜理中湯九主之。不愈宜四逆輩。

何謂太陰之邪從陽化傷寒論云。發汗後不解。腹痛急下之宜大承氣湯是也。又曰腹滿時痛屬太陰也。時痛者謂腹時痛時止。桂枝加芍藥湯主之。大實痛者大便堅實而痛。桂枝加大黃湯主之。

少陰腎中水火同具。邪傷其經。或從水化而為寒。或從火化而為熱。二症俱以脈沉細。但欲寐為提綱。

何謂少陰之邪從水化而為寒曰脈沉細而



微但欲寐背惡寒。口中和腹痛。下利清穀。小便白是也。宜用回陽法。而回陽中首重在溫劑。又有交陰陽微發汗共成三法。

少陰病寒邪始傷。是當無熱而反發熱。為太陽之標陽外呈脈沉。為少陰之生氣不升。恐陰陽內外不相接。故以熟附助太陽之表陽。而內合於少陰。麻辛啟少陰之水。陰而外合於太陽。仲景麻黃附子細辛湯。

非發汗法。更交陰陽法。

已上交陰陽法。

少陰病自始得。以至於二三日。俱無裏症。可知太陽之表熱。非汗不解。而又恐過汗。以傷腎液。另出加減法。取中焦水穀之津。而為汗。則內不傷陰邪。從表解矣。仲景麻黃附子甘草湯。變交陰陽法。而為微發汗法。



已上微發汗法。  
手足厥冷吐利小便復利下利清穀內寒  
外熱脈微欲絕者宜四逆湯  
裏寒外熱面赤或腹痛或乾嘔或咽痛利  
止脈不出汗出而厥宜通脈四逆湯  
少陰下利宜白通湯利不止厥逆無脈乾  
嘔煩白通加猪膽汁湯主之服藥後脈暴  
出者死微續者生

汗下後不解煩躁者茯苓四逆湯主之  
少陰病二三日不已至四五日腹痛小便  
不利四肢沉重疼痛自下利此為水氣欬  
便利下利嘔四逆或有或無因症下藥宜真武湯  
少陰病得之二三日口中和其背寒者太  
之湯虛不與少當灸之○又身體痛君火  
陰之君火相合骨節痛君火  
不能週遍手足寒君火之氣不能  
於一身脈沉者君火之神機不一  
能遊行以出入脈沉者能自下而上



為陽虛責在太陽之陽一為陰虛責在少  
火內虛神機不能轉千古醫家皆以附子  
云陰虛陽虛其亦悟此理否

湯主之  
少陰病吐利神機不能交手足逆冷中上

不能達煩躁欲死者少陰神機挾寒而逆  
於四肢煩躁於經脈心脈不能下  
交於腎則煩吳茱萸湯主之  
能上通於心則躁  
已上用溫劑法


何謂少陰之邪從火化而為熱曰脈沉細而

數仁欲寐而內煩外躁或不臥口中熱下利  
清水小便赤是也宜用救陰法而救陰中又  
有補正攻邪之異

少陰病二三日咽痛者可與甘草湯不差  
與桔梗湯

少陰病咽中傷生瘡不能言語聲不出者  
苦酒湯主之

少陰病咽中痛半夏散及湯主之



少陰病下利咽痛胸滿心煩者猪膚湯主之。  
少陰病得之二三日以上心中煩不得卧黃連阿膠湯主之。  
少陰病下利六七日咳而嘔渴心煩不得眠者猪苓湯主之。  
少陰病二三日至四五日腹痛小便不利下利便膿血桃花湯主之。

已上皆以補正為救陰法。

少陰病得之二三日口燥舌乾者急下之宜大承氣湯柯注云熱淫於內因而轉屬陽明胃火上炎故口燥舌乾急下之穀氣下流津液得升矣。  
少陰病六七日腹脹不大便者急下之宜大承氣湯柯注云得病六七日當解不解津液枯涸因轉屬陽明故腹脹不大便宜

於急下者六七日來陰虛已極恐土實於  
中心腎不交而死也

少陰病自利清水色純青心下必痛口乾  
燥者急下之宜大承氣湯柯注云是土燥  
火炎脾氣不濡胃氣反厚水去而穀不去  
故宜急下

已上皆以攻邪為救陰法

厥陰為風木之臟從熱化者多從  
寒化者少以木中有火故也

何謂厥陰症傷寒論云厥陰之為病消渴火

氣上撞心氣逆即心中疼熱火邪饑火能而

不欲食木剋土故食則吐虫為風化一聞食臭

下之利不止傷胃下是也柯注云兩陰交盡名

厥陰宜無熱症然厥陰主肝而膽藏於內則

厥陰熱症皆少陽之火內發也要知少陽厥

陰同一相火相火鬱於內是厥陰病相火出

於表為少陽病少陽咽乾即厥陰消渴之機

傷寒 卷四 四十二



胸脇苦滿即氣上衝心之兆心煩即疼痛之  
初不欲食是機不欲食之根喜嘔即吐蛇之  
漸故少陽不解轉屬厥陰為病危厥陰病衰  
轉屬少陽為欲愈

一烏梅丸為厥陰症之總方吐蛇久利尤宜

一病初起手足厥冷脈微欲絕宜當歸四逆

湯有久寒加生薑吳茱萸酒水各半煎以

相火寄於肝經雖寒而臟不寒故先厥者

後必發熱手足愈冷肝膽愈熱故云厥深  
熱亦深也薑附不可妄投

一脈結脈緩時一止曰結代一臟氣敗其脈

自還而他心動悸心氣不寧炙甘草湯主之愚

按他經亦有此症是陽氣大虛虛極生寒

非薑附肉桂不為功若用此藥是速其死

也惟厥陰症肝中之相火木少陽之生氣

而少陽實出坎宮之真陰即經所謂陽予



之正陰為主是也。

按前言表症而手足厥逆。此言裏症而脈結代。雖為厥陰寒化。終不用薑附大熱之品。以厥陰之臟相火遊行於其間故也。一脈微欲絕不可下。若脈滑而厥是內執鬱閉。所謂厥應下之是也。下之是下其熱。非下其實。泄利下重者。四逆散欲飲水數升者。白虎湯皆所以下無形之邪也。若以承

氣下之利不止矣。

一熱利下重者。白頭翁湯主之。○下利欲飲

水者熱也。白頭翁湯主之。

以上治熱化之法。

一厥者必發熱。熱與厥相應。熱深厥亦深。熱微厥亦微。此四症是厥陰傷寒之定局。先熱後厥。厥熱往來。厥多熱少。熱多厥少。此四症是厥陰傷寒之變局。皆因其人陽氣

多少而然

一乘脾乘肺二症宜辨一曰傷寒腹滿經云

脹大皆属于熱譫語經云肝氣盛則多言寸口脈浮

而緊即弦此肝乘脾也名曰縱刺期門

一曰傷寒發熱嗇嗇惡寒肺主皮毛此症因

非太陽病渴欲飲水無白虎症而欲腹滿

為肺虛無承氣症而腹滿知此肝乘肺也肺金虛

肺虛不能通調水道名曰橫刺期門肝有立火隨

一傷寒陽脈濇陰脈弦法當腹中急痛此亦

脾也先與小建中湯平肝以不差者中氣虛

邪尚流連與小柴胡湯主之使有出路所謂陰

出之陽則愈也

一傷寒厥而心下悸者宜先治水當服茯苓

甘草湯却治其厥不爾水清入胃必作利也

柯注云此亦肝乘肺也雖不發熱惡寒亦

木實金虛水氣不利所致上節腹滿是水



在中焦故刺期門以泄其實此水在上焦故  
用茯苓甘草以發其汗此方是化水為汗  
發散內邪之劑即厥陰治厥之劑也

太陽方

桂枝湯

桂枝 白芍 各三錢  
甘草 二錢  
生薑 三錢  
大棗 四枚

水二杯煎八分溫服服後少頃啜粥一杯

以助藥力溫覆微似汗若一服病止不必  
再服若病重者一日夜作三服

麻黃湯

麻黃 三錢去根節  
桂枝 二錢  
杏仁 十三枚去皮尖  
甘草 一錢

水三杯先煮麻黃至二杯吹去上沫納諸  
藥煎八分溫服不須啜粥餘將息如前法

大青龍湯



麻黃

六錢去根節

桂枝

二錢

甘草

二錢炙

杏仁

去皮尖十二枚

生薑

三錢切片

大棗

四枚

石膏

碎以棉裹四錢五分

水四杯先煮麻黃至二杯半去止沫納諸

藥再煮八分溫服溫覆取微似汗汗出多

者以溫粉撲之白朮煨牡蠣若汗多亡陽

者以真武湯救之

小青龍湯

麻黃去根節 白芍 乾薑不炒 甘草 桂枝

各二錢 半夏三錢 五味子一錢 細辛八分

水三杯半先煮麻黃至二杯半去沫納諸


藥煎八分溫服。若渴者去半夏加栝樓

根二錢。若噎者去麻黃加附子一錢五分。

小便不利小腹滿去麻黃加茯苓四錢。

○若喘者去麻黃加杏仁二十一枚。按

論云若微利者去麻黃加薤花今薤花不





常用時法用茯苓四錢代之即猪苓澤瀉亦可代也但行道入當於方後註明

桂枝二麻黃一湯

桂枝麻黃各半湯

接近傳傷寒論有分兩理宜兩湯各煎聽用如各半湯則各取其半而合服之如二一湯則取桂枝湯二分麻黃湯一分合而服之猶水陸之師各有節制兩軍相為表

裏異道夾攻之義後人等其分兩合為一方與葛根青龍輩何異

五苓散

澤瀉

一兩六株

猪苓

茯苓

白朮


各十八株

桂枝

半兩

共為末以米飲和服二錢五分日三服多飲煖水以出汗

抵當



水蛭熬去翅足燕各十二個熬各十二個大黃三錢 桃仁七個  
水一杯半煎七分服不下再服

桃仁承氣湯

桃仁十六粒 去皮尖大黃四錢 甘草 桂枝各二錢  
芒硝二錢

水二杯煎八分去滓入芒硝煎微沸温服

四逆湯 真武湯俱見不桂枝加附子湯

白虎加人參湯即白虎湯加人參一錢調胃承氣湯

大承氣湯與見下陽明

生薑瀉心湯

生薑二錢 炙草 人參 黃芩各一錢

半夏一錢 乾薑 黃連各五分 水煎服

大陷胸湯

大黃二錢 芒硝一錢 甘遂末三分

水一杯先煮大黃至六分去滓入芒硝煮

二沸內甘遂末服得快勿再服



大陷胸丸

大黃四錢 葶藶子各一錢 芒硝五分 杏仁五分  
搗為丸如彈子大每用一丸入甘遂末三分白蜜半匙水一杯煎半杯溫服一宿乃下如不下更服以下為度

小陷胸湯

黃連一錢 半夏二錢 水樓實二錢  
水一杯半先煮瓜樓至一杯入二味再煎


至七分服微下黃涎

三物白散

桔梗各四分 貝母各四分 巴豆一錢二分  
共為末以白飲和服一錢一分羸者七分病在膈上必吐在膈下必利不利進熱粥一杯利不止進冷粥一杯

十棗湯

芫花熬 甘遂各等分 大戟各等分



異篩秤末合和水二杯失煮大棗十枚  
至七分去滓強人納藥末七八分羸人五  
六分平旦服若下少病不除明日更服加  
三分利後糜粥自養

桂枝去桂加茯苓白朮湯

芍藥

生薑

茯苓

白朮各

三錢

大棗

四枚

水煎溫服小便利則愈

### 陽明方

桂枝加葛根湯

即桂枝湯加葛根四錢

水三杯半先煮葛根至二杯半吹去沫入  
諸藥煎至八分溫服不須啜粥

葛根湯

葛根

四錢

麻黃

三錢

生薑

三錢

甘草

二錢

桂枝

二錢

大棗

四枚

白芍

二錢

水三鐘半先煮麻黃葛根至二鐘去沫入諸藥至八分溫服微似汗不須啜粥

梔子豉湯

梔子七枚香豉三錢  
生用

水三鐘先煮梔子至一鐘半入香豉煮七分溫服一服得吐不用再服

葛根加半夏湯即葛根湯加半夏二錢

白虎湯

石膏八錢碎知母三錢炙甘草一錢粳米四錢  
綿裹 水三杯煎一杯服

麻仁丸

麻仁另研芍藥 枳實炒厚朴各五兩

杏仁五兩半研作脂大黃一斤蒸焙

煉蜜丸如梧子大  
米飲送十九漸加以知母為度  
此方分兩照脾約丸

煎蜜導方



蜜一杯於銅器內煮如飴狀取紙捲作  
子以線札之以蜜厚包之如指許長二寸  
微熱納入穀道以手急抱欲大便時乃去  
之○時法醮此皂角末

猪膽汁導方

猪膽一枚和醋少許以竹管灌入穀道中  
如一食頃當大便出宿食惡物甚效

調胃承氣湯

大黃

四錢清酒潤

炙草 二錢

芒硝 三錢

水二杯半先煮大黃甘草取一杯去滓入  
芒硝微煮令沸少少溫服之

小承氣湯

大黃


四錢

厚朴

枳實 各三錢

水二杯煎八分服初服當更衣不爾者再  
煮服若更衣勿服

大承氣湯



大黃二錢酒潤 厚朴四錢 枳實 芒硝各二錢  
水三杯先煮枳實厚朴至一杯半去滓納  
大黃煮一杯去滓納芒硝微火煮一二沸  
服得下勿再服

少陽方

小柴胡湯

柴胡四錢 人參 黃芩 炙草 生薑  
各一錢五分 半夏二錢 大棗二枚

水三鐘煎一鐘半去滓再煎八分溫服一  
日夜作三服

胸中煩而不嘔者去半夏人參加括樓二  
錢。渴者去半夏加人參七分括樓根二  
錢。腹中痛者去黃芩加芍藥一錢半。  
脇下痞鞭去大棗加牡蠣二錢。心下悸  
小便不利者去黃芩加茯苓二錢。不渴  
外有微熱者去人參加桂枝一錢五分溫

覆取微似汗愈。欬者去人參大棗生薑  
加五味子一錢乾薑一錢半

大柴胡湯

柴胡 四錢 半夏 二錢 黃芩 芍藥

大棗 二枚 枳實 各錢 生薑 二錢

一本有大黃五分

水三鐘煎八分溫服一日夜作三服

半夏瀉心湯

半夏 三錢 黃芩 乾薑 炙草

人參 各一錢 黃連 五分 大棗 二枚

水三杯煎一杯半去滓再煎八分溫服

黃連湯

黃連 炙草 乾薑 桂枝 各一錢

人參 一錢 半夏 二錢 大棗 二粒

水二杯煎七分溫服

黃芩湯



黄芩三錢 炙草 芍藥各二錢 大棗三粒

水煎服日二夜一

黄芩加半夏生薑湯

即前方加半夏二錢生薑三錢

太陰方

理中丸湯

人參 白朮 甘草 乾薑各三兩

共研末蜜丸如鷄子黃大研碎以沸湯服

一九日三四服服後啜熱粥以腹熱為度

或用各三錢水三鐘煎八分温服服後啜

熱粥。若臍上築者去朮加桂。吐多者

去朮加生薑二錢下多者還用朮。悸者

加茯苓渴欲飲水者加朮。腹痛加人參

。寒者加乾薑。腹滿者去朮加附子。

服湯後如食頃飲熱粥微自温勿揭衣被

桂枝加芍藥湯

傷寒

卷四

五十六

桂枝 生薑各三錢 大棗 四枚 芍藥 六錢  
炙草二錢 水三杯煎一杯服

桂枝加大黃湯

桂枝 生薑各三錢 芍藥 六錢 炙草 二錢

大黃七分 大棗 四枚

水三杯煎八分服

少陰方

麻黃附子細辛湯

麻黃去節 細辛各三錢 附子一分

水三鐘先煮麻黃至二鐘去沫入諸藥煎

七分溫服。○接近醫惑於細辛用不過一

錢之邪說余亦難以力挽之此方只用一

錢

麻黃附子甘草湯

麻黃去節 甘草各三錢 附子 一錢五分

煎法同上



真武湯

茯苓 芍藥 生薑各二錢 白朮二錢

附子炮一錢

水三鐘煎八分温服

四逆湯

甘草炙四錢 乾薑三錢 附子生用二錢

水三鐘煎八分温服。乾薑再加三錢名通脈四逆湯。加茯苓六錢人參一錢名

茯苓四逆湯


白通湯

乾薑三錢 附子生用三錢 葱白二根

水二鐘煎八分温服。加猪膽汁一湯匙人尿半湯匙名白通加猪膽汁湯

附子湯

附子二錢 茯苓三錢 人參二錢 白朮四錢 芍藥二錢



水二鐘煎八分温服

吳茱萸湯

吳茱萸

三錢湯泡

人參

半一錢

大棗四粒

生薑六錢

水煎服

甘草湯

甘草二錢

水三鐘煎一鐘分兩次服

甘草桔梗湯

甘草六錢 桔梗三錢

水三鐘煎一鐘半分二服


苦酒湯

半夏

一枚生的雞子一枚  
破十四片去黃

內半夏着苦酒中以雞子壳置刀環中安  
火上令三沸去滓少少含嚥之不瘥再作

三服



猪膚湯

猪膚 四兩

水六杯煎三杯去滓加白蜜半盞米粉三錢熬香分三服

半夏散及湯

半夏 桂枝 炙草

各等分為末白飲和服二錢日三服不能服散者用水一杯煮七沸入散三錢更煮

三沸少冷少少嚥之

黃連阿膠鷄子黃湯

黃連 四錢 黃芩 一錢 芍藥 二錢 阿膠 三錢

鷄子黃 一枚

水三杯煎二杯去滓入膠烊盡小冷入鷄子黃攪令相得溫服一日三服

桃花湯

赤石脂 八錢 留一錢 乾薑 五分 粳米 四錢



水三杯煎八分入石脂末一錢調服日作  
三服

大承氣湯見湯明

猪苓湯

猪苓 茯苓 澤瀉 滑石 阿膠各二錢

水二杯先煎四味至一杯去滓入膠煎烱服

厥陰方


烏梅丸

烏梅九十枚 細辛六錢 乾薑一兩 當歸四錢

黃連一兩 附子六錢 蜀椒四錢 桂枝

人參 黃柏各六錢

各另研末合篩之以苦酒浸烏梅一宿去核飯上蒸之搗成泥入煉蜜共搗千下丸如梧子大先飲食白飲服十九日三服漸加至二十九



當歸四逆湯

當歸三錢 桂枝 白芍各二錢 甘草炙

水通各一錢五分 細辛一錢 紅棗五個

水三杯煎八分温服。寒氣盛者加吳茱

萸生薑各二錢老黃酒半盃同煎服

白頭翁湯

白頭翁一錢 黃連 黃蘗 秦皮各一錢五分

水二鐘煎八分温服

炙甘草湯

炙草二錢 桂枝 生薑各一錢五分

人參一錢 火麻仁 麥門冬 阿膠各二錢


生地八錢 大棗四枚

水酒各半煎

四逆散

炙草 枳實 柴胡 芍藥各等分

研末白飲和服二錢日三服。欬者加五



味子乾薑各五分并主下利。悸者加桂枝五分。小便不利者加茯苓五分。腹中痛者加炮附子。泄利下重者先以水五杯煮薤白取三杯去滓入藥末三錢煮取一杯半分温再服。

白虎湯見陽明

小建中湯

芍藥六錢 桂枝

生薑各三錢 炙草二錢

大棗四枚

水三杯煎一杯去滓入飴糖四錢烱温服

茯苓甘草湯

茯苓 桂枝各二錢 炙草一錢 生薑三錢

水二杯煎一杯服



特1


2855



国立国会図書館

タイトル『時方妙用4巻』 請求記号 特1-2855

ガラス使用



国立国会図書館

タイトル『時方妙用4巻』 請求記号 特1-2855

ガラス使用